


Bible fi pickney
presents

Di Miracle Dem Of Jesus



Written by: Edward Hughes

Illustrated by: Byron Unger; Lazarus
Alastair Paterson

Adapted by: E. Frischbutter; Sarah S.

Translated by:

Produced by: Bible for Children
www.M1914.org


©2022 Bible for Children, Inc.

License: Yu have di right fi copy or print deh story ya,
as long as yu nuh sell it.

Jesus did do whole heap a miracle. Miracle a did
sign fi show seh Jesus a did really God Son. Di first
miracle happen at one wedding feast. Dem did have
a problem. Enough wine neva deh deh fi everybody.



Mary, Jesus mother, tell him bout di problem, den tell di servant dem fi do weh Jesus tell dem.




3

"Full up dem pot ya wid water," Jesus seh. "Water?" dem suppose to did a ask. Yes, water a wah Jesus did want.




4

Jesus den tell a servant fi tek some from one big pot an mek di man in charge taste it. Di water did turn to wine! Good wine to! Di best wine!



5

Di servant dem did amaze. Jesus did turn di water to wine. Only God coulda do dem miracle deh.




6

Jesus did do other miracle to. One evening, Him an Him disciple dem go over Peter house. Peter mother-in-law did sick bad wid fever.



7

Jesus jus touch di sick woman hand. Quick quick shi get better. Shi get up an serve Jesus an di disciple dem.




8

It look like seh a di whole city did gather at di door di same evening. Sick people come - blind, deaf, dumb, cripple. All people wid demon inna dem crowd to Jesus. Him coulda help so much people?



9

Jesus, God Son, coulda help. Jesus did help. All a who come to him did get heal. People weh did a drag through life pon crutch coulda now walk an run an leap.



10

Other people come to, who did ugly wid leprosy.



11

Dem come whole an clean because Jesus heal dem.



12

Man an woman weh did have demon stand up in front a Jesus. Him command di demon dem fi leave dem. Di demons obey him, fearful, unhappy people did become calm an joyful.




13

Behind di crowd, four man try fi help dem friend to Jesus. But dem couldn't get near. Weh dem coulda do?



14

Dem carry di sick man pon di roof a di house, di four faithful friend dem pull up di roof an let him down. Now him did close to Jesus.




15

Jesus si seh di four friend dem did have faith. Him seh to di sick man, "Yu sin dem forgiven. Tek up yu bed an walk." Di man stand up, well an strong. Jesus did heal him.




16

A likkle bit later, Jesus did deh in a boat wid him disciple dem. A terrible storm stir up di sea. Jesus did a sleep. Di frightened disciple dem wake him up. "Lord, save wi," dem cry out. "Wi perish!"



17

"Be still," Jesus command di wave dem. Same time, di sea calm down. "Wha kine a man dis? Him disciple dem whisper. All di breeze an sea obey Him. Dem believe Jesus a did God Son because Him miracle dem show Him glory. Di disciple dem neva know it, but dem did a go si Jesus perform



18

even greater miracle as Him serve God among men.

Di Miracle Dem Of Jesus


A story from God Word, di Bible

deh inna

Matyu 8-9, Maak 1-2, 4
Luuk 4, 8, Jan 2

"Di entrance of Yu Word dem give light."
Psalm 119:130

19



40

60

20

Deh story ya from di Bible a talk
bout how God wonderful an waan yu fi know Him.

God know seh all a wi do bad tings weh Him call sins. Death a
di punishment fi sin but cause God love yu Him sen Jesus, Him
one son, fi dead pon di cross an get punish fi fi wi sins. Den
Jesus come back from di dead an go home to Heaven! If yu
believe inna Jesus an ask Him fi figive yu sins, Him a go dweet!
Him a go come an live inna yu now,
an yu a go live wid him fi eva.

If yu believe seh dis a di truth, seh dis to God:
Dear Jesus, mi believe seh yu a God, an turn a man fi dead fi
mi sin dem, an now yu live again. Please come inna mi life and
figive mi sin dem, so mi can have a new life now, an be wid yu fi
eva one day. Help mi fi obey yu an live fi yu as fi yu pickney.
Amen.

Read di Bible an chat wid God every day! Jan 3:16